

تعليم الهندسة




استانبول

مطبعة عثمانیه — درجنبرل طلاش

۱۳۰۳

T-۵۹۶



بسم الله الرحمن الرحيم

معلوم اوله که علوم حکمیه و ریاضیه اقسامندن معدود اوله
 علم هندسه نك كاذفه معاملات واقعده دركار اولان لزوم حقیقینه
 مبنی هوسكاران فنون ادبیه اولان اطفاله عاجزانه برخدمه
 نیت خالصه سیله یاور حرب جناب امارتیناهی میرآلای الحاکم
 مصطفی حامی اشبو رساله بی لسان فرانسویدن لسان عذب البیان
 ترکیه سؤال وجواب صورتنده ترجمه و (تعلیم الهندسه للصبيان
 اسمیه تحمیه ایدرك شوكتلو مهابتلو قدرتلو عظمتلوولی نعمه
 جهان السطان ابن السطان السطان عبدالعزیز خان ابن السطا
 الغازی محمود خان ابن السطان الغازی عبدالحمید خان ادااماد
 نلال شوكتنه علی مفارق الانام افندیز حضرتلرنك سار
 معارفوایه جناب پادشاهیلرنده مظهر اولدیغم نعمت تحصیلیه نا

ایفای فریضه تشکرینه من غیر حد وضع خامه مقدرت ایلدم .



﴿ برنجی درس ﴾

— اجسامک یانی —

- | | |
|---|--|
| س | علم هندسه نك تعريفی ندر . |
| ج | مقدار امتدادن و مساحه دن بحث ايدر بر علمدر . |
| س | امتدادك تعريفی ندر . |
| ج | كرك تصور ايله فهم و قياس اولنان و كرك رأى العين مشاهده اولنان صغير و كبير شيلرك ضبط واستيعاب ايلديكى مسافه در . |
| س | بوصورته بر باغچه و يا بر حوض و يا بر خانه نك امتدادی ندن عبارتدر . |
| ج | باغچه نك امتدادی دیوارلرك بیننده منحصر اولان مسافه در . و حوضك امتدادی اطراف و كنارلرينك بیننده منحصر مسافه در . و خانه نك امتدادی ارتفاع و طول و عرضك بیننده منحصر بوشلقددر . |
| س | بر باغچه نك مسافه سی و بر حوضك عمقی و بر خانه نك ارتفاع و طول و عرضی علم هندسه واسطه سیله قیاسی اولنورمی . |

- ج اوت زیرا هندسه دن مطلب و مقصددخی امتدادی قیاس
 س ایتمکدن عبارت اولدیغندن هر بر شئك امتداد و طول
 و عرض و ارتفاعی بیلنك اصولارینی بیان ایدر :
 س کتاب و فس و چکمجه کبی اجرام محسوسه یه اصطلاح
 مهندسینده نه تسمیه اولنور .
 ج اجسام تسمیه اولنور .
 س اشبو کتابك طولی یعنی اوزونلغی و عرضی یعنی
 اکلیکی و عمقی یعنی ارتفاعی وارمیدر .
 ج اوت بو وصف اولنان شیلرك جمله سی واردر .
 س بو صورتده مذکور کتاب طول و عرضی و عمقی یعنی
 ارتفاعی محتویمیدر .
 ج کافه سنی محتویدر .
 س جمیع اجسامده دخی مثلا بو کتاب کبی طول و عرض
 و عمقی بولنور می .
 ج اوت جمیع جسملرده بولنه جفنده شبهه یوقدر .
 س جسمك تعریفنی نه حیثیته یلدیکنی بیان ابله .
 ج جسم ابعاد ثلاثه نك مجموعندن عبارتدر .
 س جسمده موجود اولان خواص ثلاثه یه اصطلاح مهندسین
 اوزره نه تسمیه اولنور .
 ج جسمك ابعاد ثلاثه سی تسمیه اولنور .
 س بو تقدیرجه بر جسمك طولی ابعاد ثلاثه سندن بر یسمیدر .

- ج اوت بریسیدر •
 س عرض دخی ابعاد ثلاثه سندن بریسیدر •
 ج کذلک بریسیدر •
 س عمقی دخی بوقبیلدنمیدر •
 ج اوت چونکه بونلرک اوچی برلکده اوله رق کافه جسملرده
 بونلری شرطدر •
 س علم هندسه ده مستعمل اولان نهایتر قاجدر •
 ج اوچ عدد اولوب بری نقطه وبری خط وبری سطحدر •
 س اشبو خط و نقطه و سطح قغیرک نهایتدر •
 ج نقطه خطک نهایتی و خط سطحک نهایتی و سطح جسمک
 نهایتدر •



﴿ایکنجی درس﴾

— سطوحک بیان —

- س مثلا بر دیوانخانهک جمیع اجزاسی ابعاد ثلاثه بی
 محتویمیدر •
 ج محتویدر •
 س مذکور دیوانخانهک اجزاسی جمله سندن فرضا
 بر دیوارک مشاهده اولنان جهتی ابعاد ثلاثه بی محتویمیدر •

ج ابعاد ثلاثه سى مشاهده اولتيوب همان انجق طولى
وعرضى محتويدر .

س بوصورته مذکور ديوارك جهت مزبوره سنه
جسم تسميه اولنورمى .

ج جسم تسميه اولنيز .
س نيچون ديوار مذکور جسم دكلدر .

ج زيرا جسم دنيلان شیده ابعاد ثلاثه نك بولملى شرطدر .
س ابعاد ثلاثه دن يالكز ايكيلى موجود اولان شيلره نه

تسميه اولنور .

ج سطح تسميه اولنور .
س سطحك تعريفى ندر .

ج كندوسنده ابعاد ثلاثه دن يالكز ايكى بعدى يعنى طول
وعرضى محتوى اولان شيدر .

س سطحك انواعى اولورمى .
ج اولور .

س باشليجهلى قنغيريدر .

ج برى سطح مستوى وديكرى سطح منحنيدر .
س سطح مستويك تعريفى ندر .

ج سطح مستوى اولدركه اوزرينه برخط مستقيم وضع
اولنسه سطح مذکورك جميع اجزاسنى تماماً مسايده .

س سطح مستوى بعضاً آخر براسم ايله تسميه اولنورمى .

- ج . فقط مستوی تسمیه اولنور .
- س . بوصورنده مستوینک تعریفی ندر .
- ج . مستوی بر سطحدرکه اوزرینه خط مستقیم تطبیق اولندقدہ مستوی مذکورک جمیع جهاتہ انطباق تامہ ایله منطبق اولہ .
- س . مستوینک مثالی ندر .
- ج . مثلاً بر تخته نك سطحی اوزرینه برخط مستقیم جمیع جهاتندن منطبق اولسد تخته مذکورہہ مستوی تسمیه اولنور .
- س . سطح منحنینک تعریفی ندر .
- ج . سطح منحنی اولدرکہ اوزرینه برخط مستقیم تطبیق اولندقدہ سطح مزبورک جمیع جهاتہ انطباق تامہ ایله منطبق اولہ .
- س . سطح منحنینک مثالی ندر .
- ج . مثلاً برفسک سطحی سطح منحنیدر . زیرا اوزرینه برخط مستقیم تطبیق اولندقدہ مذکور فسک جمیع جهاتہ انطباق تامہ ایله منطبق اولق ممکن دکلدر .
- س . کرہ نك اوزرینه سطح منحنی اطلاق اولنورمی .
- ج . اوت زیرا سطح منحنینک تعریفی صحیحاً کرہ نك اوزرینه تطبیق اولنور .

- س سطح مختلط اسمبله مسمی برنوع آخری وارمیدر .
 ج واردر .
 س سطح مختلطك تعریفی ندر .
 ج سطح مختلط اولدرکه بعض اجزاسی منحنی و بعض اجزاسی
 سطح مستوی اوله .
 س برسطح مختلط اولدیغی نه واسطه سیله یلینور .
 ج خط مستقیم سطح مذکورک بعض اجزاسنه منطبق
 اولوب و بعض اجزاسنه منطبق اولماقغیله یلینور .



❦ اوچنجی درس ❦

— خط ونقطه نك یانی —

- س چیرکی صورتی نوجهله در .
 ج اشبو وجهله در .
 س اشبو چیرکیده طول وارمیدر .
 ج واردر .
 س مذکور چیرکیده عرض وعمق وارمیدر .
 ج چونکه مرسوم چیزکی هر تقدیر اینجه چکسه بیله صورت
 ظاهره سنده البتده عرض وعمق بولنه جغندن همان

- انجق صورت ذهنيه سنده عرض وعمقن مجرد اوله رق
 نظر واعتبار اولنور .
- س بوضورتده مذکور چیز کیده ذهناً ابعاد ثلاثه
 موجوده میدر .
- ج يالکز طولدن بشفه هيچ برشی موجود دکدر .
- س بويه کندوسنده ابعاد ثلاثه دن يالکز جهت طولی
 اولان شیئه اصطلاحده نه تسمیه اولنور .
- ج خط تسمیه اولنور .
- س بوتقدیرجه خطک تعریفی ندر .
- ج يالکز کندوسنده طول بولنوب عرض وعمق بولنیه .
- س نقطه هندسیه نك صورتی نوجهله در .
- ج اشبو (.) وجهله در .
- س بونقطه نك طولی وارمیدر .
- ج نقطه نك هر نقدر کندوسنه کوره طولی اوله بیلور
 ایسه ده لکن ذهنده طولدن مجرده کبی نظر واعتبار
 اولنور .
- س عرض وعمق وارمیدر .
- ج البتده کندوسنه کوره عرض وعمق دخی اوله بیلور
 ایسه ده بونلرک هيچ بریسی یوق کبی نظر واعتبار
 اولنور .
- س بوضورتده نقطه هندسیه نك تعریفی ندر .

ج کندو ایچون جزؤ اولیه یعنی ابعاد ثلاثه دن کندو سنده
برنسنه بولنمیوب اصلا برجهته انقسامی قبول ایتیه •



﴿ در دنجی درس ﴾

— خطوطک پیانی —

- | | |
|--|---|
| خطلرک انواعی اولور می • | س |
| اولور | ج |
| خطلرک انواعی قاچدر • | س |
| خطلرک درت نوعی اولوب بری خطوط مستقیمه و دیگر
خطوط منکسره و بری خطوط منحنیه و آخری خطوط
مختلطه در • | ج |
| خط مستقیمک تعریفی ندر • | س |
| هر ایکی نقطه بیننه وصل اولنان بعدک اقصریدر • | ج |
| خط مستقیمک رسمی نوجهله در • | س |
| اشبو: ————— رسم کبیدر • | ج |
| خط منکسرک تعریفی ندر • | س |
| خطوط مستقیمه لردن ترکیب ایدن خطدر • | ج |
| برخط منکسرک رسمی نصورتله در • | س |




- ج اشبو کشیده اولنان خط کبدر
 س خط منحنیك تعریفی ندر •
 ج خط منحنی شول برخطدرکه کندوسی نه مستقیمدر ونه
 خط مستقیمدن مرکبدر •
 س برخط منحنیك رسمی نوجهله



- ج اشبو رسم اولنان خط مثالودر
 س خط مختلطك تعریفی ندر •
 ج خط مختلط اولدرکه خطوط مستقیمه ومنحنیهك ترکیبندن
 حاصل اولان خطدر •
 س برخط مختلطك رسمی نه شکلدر



- ج اشبو کشیده قلنان خط کبید
 س مثلا اشبو آت حرفلریله منقطه بیننه انواع
 خطوطدن مقدار خط رسم اولنه ییلور •
 ج نقطتین مذکورترین بیننه هر نوع خطوطك رسمی ممکن
 اوله ییلور •



- س اشبو رسم اولنان خطوطك اقصرى قنيسيدر
 ج اَ خط مستقيم
 س نه سبه مبيدر
 ج زيرا بوندن اقدم بيان اولنديغي اوزره هرايكي نقطه
 بيننه وصل اولنان بعدك اقصرى خط مستقيم
 اولديغندن اَ خطى خط مستقيم .
 س نقطتين مذكورتين بيننه برقاج خط مستقيم كشيده
 اولنق ممكنيدر .
 ج ممكن دكلدر .
 س نيچون ممكن دكلدر .
 ج چونكه هرايكي نقطه بيننده برقاج ابعاد صغيره نك
 وجودى ممكن اوله ميوب همان بر بعد اقصرى بولنمى
 حيثيله جمعيسنك اقصرى خط مستقيم .



﴿ بشنجى درس ﴾

— عودك پايى —

س شاقولك تعريفى :

ج طرفیندن برینه بر قطعه قورشون ربط وتعلیق اولنه رق
مذکور قوشون سبيله قائماً کرکی طوتیلان بر خطدن
عبارتدر .

س خط قائمک تعریفی ندر .

ج شاقولک استقامتی اوزرینه اولان یا خود افق اوزرینه
عمود اولان خطدر .

س خط افقک تعریفی ندر .

ج سطح ارضک مستوی محلی اوزرینه رسمی ممکن اولان
خط مستقیمدر .

س بر خط قائمک رسمی نوجهله در .

ج اشبو خطک رسمی کبیدر .

س افقینک صورتی نیجه در .

ج اشبو خطک رسمی کبیدر :

س بر خط قائمی ایله بر خط افقی بر برینی تلاق ایتمک ممکن
اوله یلورمی .

ج خط قائمی ایله خط افقی بر مستوی اوزرنده موضوع

اولوب مقدار کفایه تمتد اولدق لری حالده بر برینی تلاق

ایتمک ممکن اوله یلور .


س خط قائم خط افقی ایله تلاق ایلدکده خط قائم بر اسم

آخر ایله تسمیه اولنورمی .

ج عمود تسمیه اولنور .

- س عودك تعريفى ندر .
- ج برخط مستقيم دركه آخر برخط مستقيم ايله تلاقى ايلدكده
طرفيندن برينه ديكرندن زياده ميل ائليه .
- س برخط مستقيم آخر برخط مستقيم اوزرينه واقع اولوب
طرفيندن برينه ديكرندن زياده ميل ائلسه اول خط
مستقيم آخر خط مستقيم اوزرينه دائما عمود اولورمى .
- ج عمود اولور .
- س دائما عمود خط قائمى اوله ييلورمى .
- ج برخط مستقيم اكر برخط مستقيم افقى اوزرنده برجهته
ديكرندن زياده ميل ائلامك اوزره واقع اولسه
بوصورته عمود خط قائمى اوله ييلور .
- س عود رسم ايتك ايچون قنغى آلت استعمال اولنور .
- ج برى طويل وديكرى قصير و آخرى متوسط اولمق اوزره
اضلاع ثلاثه دن مركب مسطره مثليه يعنى كونه تعبير
اولنان آلت استعمال اولنور .
- س بوكونيه نك رسمى نه شكلدر .

ج اشبو شكل كبيدر




- س کونیه دنیلان آلت ایله عمود نیجه رسم اولنه بیلور .
- ج عمود رسم اولنان خط مستقیم اوزرینه مذکور کونیه‌نک ضلع اقصری وضع و تطبیق اولنه بعده **کونیه** مذکوره‌نک ضلع متوسطندن برخط مستقیم رسم و کشیده اولندقدہ اشبو خط مستقیم خط مستقیم آخر اوزرینه عمود اولور .
- س مذکور کونیه ایله کشیده اولنان خط مرسومک عمود اولدیغنک تحقیق نه وجه‌له در .
- ح چونکه کونیه‌نک ضلع متوسطی دائماً ضلع اقصری اوزرینه عمود اولدیغندن وجه مشروح اوزره عمود رسم اولنسی کونیه‌نک خواص لازمه‌سندن اولدیغی آشکاردر .
- س برسطح مستوی اوزرنده واقع اولان برخط مستقیم برخط قائمی تلاق ایلسه اول خط قائمی خط مذکوره عمود اولور می .
- ج خط قائمینک تلاق ایلدیکی خط اگر افقی اولور ایسه خط قائمی عمود اولور .

﴿التجی درس﴾

— خطوط مائله نك پانی —

- س بر سطح مستوی اوزرنده بر برینی تلاقی ایدن خطرلدن
 دائماً بعضیسی اوزرینه عمود اولورمی .
- ج اولز زیر ا بر برینی تلاقی ایدن خطوطك برجهته اولان
 میلی جهت دیکرندن اکثر اولماقی لازمکلور .
- س خطین مذکوریندن برینك آخری اوزرینه مائل
 اولسنك صورتی نه شکلدر .



- س اشبو رسم اولنان خطین مذکورین بر برندن نوجهله
 فرق وتمیز اولنور .
- ج اول خطرلك نهایترینه مثلاً آنلردن برینه آ ب و دیکرینه
 ح ک حرفلری وضع اولنه رق تمیز اولنورلر .
- س مثلاً آ ب خط مستقیمی ح ک خط مستقیمی اوزرینه
 عمودمیدر .
- ج آ ب ح ک خطلری بر برلری اوزرینه عمود دکلدر .

س بوصورته α که خطنه نظراً α خطی نه تسمیه اولنور

ج خط مائل تسمیه اولنور •


س خط مائلک تعریفی ندر •

ج بری آخری اوزرینه عمود واقع اولماق شرطیه

تلاقی ایدن خطدر •

س مثلاً اشبو α که خط مستقی اوزرینه خطوط مائله نك

رسمی نوجهله در •



ج اشبو شکل مرسومده α α α خطری مثلوا اولوب

α خطی اوزرینه مائلاً واقع اولمشدر •



﴿ یدنجی درس ﴾

— خطوط متوازیه نك پانی —

س بر سطح مستوی اوزرنده رسم اولنان خطوط مستقیمه

الی غیرالنهایه اخراج اولنسلر بر برلیله تلاق ایتک
ممکنیدر .

ج دکلدردر .

س اوصاف مذکوره اوزره بولسان خطوطه نه تسمیه
اولنور .

ج خطوط متوازیه تسمیه اولنور .

س خطوط متوازیه نك تعریفی ندر .

ج بر سطح مستوی اوزرنده الی غیرالنهایه اخراج اولنسلر
اصلا تلاق ایتیان خطلدردر .

س خطوط مذکوره نك بر برلیله تلاق ایتامسی ممکنیدر

ج ممکندر زیرا خطوط متوازیه ابعاد متساویه اوزرینه
واقع اولنورلر .

س بوصورته خطین متوازین بیننده واقع مقدار مسافه
نوجهله اخذ اولنور .

ج خطین متوازین نك بریسی اوزرنده بر نقطه فرض

اولنوب اول نقطه دن دیکری اوزرینه بر عمود نازل


اولندقدده اشبو عمودك طولیه خطین متوازین

مذکورینك بیننده واقع مسافه نك مقداری اخذ اولنور .

س خطوط متوازیه نك ابعاد متساویه اوزره بولتقلغنك

وجهی ندر .

ج خطوط متوازیه بیننده کائن ابعاد متساویه اولیوب
فرضاً مختلف اولسه قریب و یابعد محله تلاق ایتمک
لازم کلوب بوتقدیرجه متوازیه اولزلر .



س مثلاً هـ ک خطی خطین متوازییندن یالکز آـ خطنه
عمود اولسه جـ ک خطنه دخی عمود اولور می .


ج اولور زیرا آـ خطین متوازیینی اوزرینه هـ ک خطی
عمود اولسه خطین متوازیین مذکورین هـ ک خطنک
یافوقده و یا تحتنده بربریه تلاق ایلوب متوازیین
اولماق لازمکولر بوسیدن هـ ک خطی آـ خطنه عمود
اولدیغندن کاموازی اولان جـ ک خطنه دخی عمود اولور
بودعوانک نتیجه سی ندر .

ج اگر ایکی خط مستقیم برخط مستقیم اخر اوزرینه عمود
اولسلر اول خطلر بربرینه موازی اولزلر .

﴿ سکزنجی درس ﴾

— خطوط متوازیہ متعلق مسائل سہلہ نک بیان —

- س مثلاً آ خطنہ موازی برخط رسم اٹک ممکنمیدر .
ج ممکندر .



- س موازی خط رسم اٹک ایچون فصل آلت استعمال اولنور .
ج برجدول تختہ سیلہ برکونہ استعمال اولنور .
س جدول تختہ سی وکونہ ایلہ فصل رسم اولنور .
ج کونہ نک ضلع وسطنی آ خطی اوزرینہ وضع وضع
اصغری جدول تختہ سی اوزرینہ وضع اولنور .
س بوند نصکرہ نہ یاپلور .
ج کونہ بی جدول تختہ سنک بوینہ طوغری موازی رسمی
مراد اولنان مسافہ یه واصل اولننجیه دکن قایدیروب بعدہ
خ خطی رسم اولنور .
س اشبو خ خطی آ خطنہ موازی اولدیغی ندن
بلینور .


ج خطین مذکورینك خط مستقیم مقامنده بولنان جدول
تخته‌سنة عموداً واقع اولدقلرندن بیلنور .

س اثباتی ندر .

ج بوندن اقدم بیان اولندیغی اوزره هرایکی خط مستقیم
اوزرینه برخط مستقیم اخر عمود اولسه اول ایکی خط
مستقیم بربرینه موازی اولورلر .

س مثلاً آ ب خط مستقیمه موازی هر قنغی ح د نقطه لرندن
مرور ایتمك اوزره ایکی خط مستقیم رسمی ممکنیدر .

ج ممکندر شویله که کونیه نك ضلع اصغری آ ه خطیله
کوستریلان جدول تخته‌سنة منطبق اوله رق مذکور
ضلع متوسطی اولان طرفنی ابتدا ح نقطه سی اوزرینه
بعده و نقطه سی اوزرینه کتوره رك اشبو نقطه لرندن
مرور ایدن ح د و ز خطری رسم اولندقدده اشبو
ح د و ز خطری موازی اولورلر .



س اشبو آ ب ح د ز و خطری بربرینه دخی موازیمیدرلر .


ج موازیدر لر زیرا خطوط مذکوره دن هر بری آ ه خط
مستقیمه عمود اولدقلرندن بر برلرینه دخی موازی
اولورلر •



﴿ علقوزنجی درس ﴾

— زوایانک یانی —

س بر برینی تلاق ایتک اوزره ایکی خط رسمی نوجهله در •
ج اشبو شکل کبیدر •



س اشبو ایکی خطک باینده واقع اولان آچقلغه نه تسمیه
اولنور •

ج زوایه تسمیه اولنور •

س زاویه نك تعریفی ندر •

ج بر سطح مستوی اوزرنده واقع ایکی خط مستقیم
تلاقیسندن حاصل اولان آچقلدر •

س خطین مذکورین استقامت اوزره اخراج اولنسه لر زاویه
مزبورہ نك مقداری تخالف ایتیموب عینیمیدر •

ج • عیندر • زیرا خطین مذکورین بیننده کائن مسافه متغیر
دکدر •

س ایکی خطک تلاق ایلدیکی — نقطه سنه نه تسمیه اولنور •

ج رأس زاویه تسمیه اولنور •

س — آ خطلرینه نه تسمیه اولنور •

ج زاویه نك ضلعری تسمیه اولنور •

س ایکی خط مستقیمدن بری آخری اوزرینه عموداً رسم اولنسه

بینلرنده واقع آچلغنه نه تسمیه اولنور •



ج زاویه قائمه تسمیه اولنور •

س زاویه قائمه نك تعریفی ندر •

ج ایکی خطک بری آخری اوزرینه عموداً واقع اولسندن

حادث اولان زاویه در •

س بری آخری اوزرینه مائلا واقع اولان خطلردن حادث

اولان زاویه قائمه اولورمی •

ج قائمه اولمز • انجق قائمه دن یا اصغر و یا اکبر اولور •

س سببی ندر •

ج زیرا خط مائل تلاق ایلدیکی خطک اوزرینه شول

و جهله واقع اولور که جهتیندن برینه دیگرندن زیاده
میل الیسان عمودک خلافتنه بولنده جفتدن زاویه سیدخی
قائمہ اولیوب یا اصغر و یا اکبر اولور .

س بوضورتده زاویه قائمہ دن اصغر اولان زاویه یه نه تسمیه
اولنور .

ج زاویه حاده تسمیه اولنور .

س زاویه قائمہ دن اکبر اولان زاویه یه نه تسمیه اولنور .


ج زاویه منفرجه تسمیه اولنور .

س زاویه قائمہ بی احداث ایدن ایکی خطک رسمی
نوجهله در .




ج اشبورسم کبیدر .

س زاویه حاده بی احداث ایدن ایکی خطک رسمی
نه صورتده در .



ج اشبو صورت کبیدر .

- س زاویه نك حاده اولقلغى كیفیتی نوجهله در .
- ج چونكه $\angle \alpha$ زاویه سنك تلاقى ایلدیكى β نقطه سندن β ضلعى اوزرینه γ عمودى اخراج اولندقه مذکور $\angle \alpha$ زاویه حاده سی γ زاویه قائمه سندن اصغر اولقلغى وجهله در .
- س زاویه منفرجه بی احداث ایدن ایکی خطك رسمی نوجهله در .




- ج اشبو مرسوم شکل کبدر
- س زاویه نك منفرجه اولقلغى كیفیتی نوجهله در
- ج چونكه $\angle \alpha$ زاویه منفرجه سنك تلاقى ایلدیكى β نقطه سندن β ضلعى اوزرینه γ عمودى اخراج اولندقه مذکور $\angle \alpha$ زاویه منفرجه سی γ زاویه قائمه سندن اکبر اولقلغى وجهله در



- س اشبو زاویه فصل زاویه در
 ح زاویه حاده در •
 س نیچون زاویه حاده در
 ج زیرا زاویه مذکوره زاویه قائمه دن کوچک اولدیغندن
 زاویه حاده در



- س اشبو زاویه نه جنس زاویه د
 ج زاویه منفرجه در •
 س ندن زاویه منفرجه در •
 ج چونکه زاویه مذکوره زاویه قائمه دن بیوک اولدیغندن
 منفرجه در •
 س اشبو زاویه فصل زاویه در



- ج زاویه قائمه در •
 س زاویه نك قائمه اولدیغی ندن بیلینور
 ج زاویه مذکوره نك ضلعری بربری اورریه عمود واقع
 اولدقلرندن بیلینور •

س برخط مستقیم خط مستقیم اخر اوزرینه عموداً واقع
اولسه ایکی طرفنده حادث اولان زاویه لر نصل
زاویه لر در .

ج هر بری زاویه قائمه در .

س برخط مستقیم خط مستقیم اخر اوزرینه مائلا واقع
اولسه ایکی طرفنده واقع زاویه لر نصل زاویه لر در .

ج بری زاویه حاده و دیگری منفرجه در .

س اشبو زاویه حاده ایله زاویه منفرجه نك مجموعی نیه
مساویدر .

ج ایکی زاویه قائمه مساویدر .

س نیچون ایکی زاویه قائمه مساویدر .

ج مثلاً \angle خطی اوزرینه \angle خطی واقع اولوب
طرفینده حادث اولان \angle زاویه حاده سیله \angle

زاویه منفرجه سی مجموعی ایکی قائمه مساویدر . زیرا

اگر \angle \angle \angle زاویه لر متساوین اولسه لر هر بری

زاویه قائمه اولور . ایدی لکن مذکور زاویه لر مختلف

اولدقلرندن \angle خطی اوزرینه \angle نقطه سندن \angle عمودی


اخراج اولندقدہ حادث اولان \angle \angle \angle زاویه لر

مجموعی \angle \angle \angle زاویه لر مجموعنه مساوی اولوب

\angle \angle \angle \angle زاویه لر مجموعی ایکی قائمه مساوی

اولدیغندن \angle \angle زاویه حاده سیله \angle \angle زاویه

منفرجه سی مجموعی ایکی قائمه مساوی اولور .



س برنقطهده خطوط مستقیمه متعدده جمع اولسه نقطه
مذکوره نك اطرافنده واقع اولان زاویه لرك مجموعی
یه مساویدر .

ج درت قائمه مساویدر .

س نه سبیه مبنی درت قائمه مساویدر .

ج زیرا مذکور زاویه لری بر محیط دائرة احاطه ایدر .

س هر برزایه قائمه نك مقداری قاج درجهدر .

ج ۹۰ درجهدر .

س هر برزاویه قائمه نك قوسی محیط دائرة نك مقدارینه مساویدر

ج ربع محیط دائرة مساویدر .

س ایکی زاویه قائمه نك مقداری قاج درجهدر .

ج ۱۸۰ درجه اولوب قوسی نصف محیطدر .

س هر مثلثک اوچ زاویه سی مجموعی قاج درجهدر .

ج ایکی قائمه مساوی یعنی ۱۸۰ درجهدر .


س بر مثلثک ایکی زاویه سی معلوم اولسه اوچنجی زاویه

مجهولک مقداری نوجهله استخراج اولنور .

- ج چونکہ ہر بر مثلثک اوچ زاویہ سی مجموعی ۱۸۰ درجہ بہ
 مساوی اولدیغندن اول زاویہ لر مجموعی ۱۸۰ درجہ دن
 طرح اولدقده اوچنجی زاویہ مجهولک مقداری باقی قالور .
- س ہر مثلثک قائم الزاویہ ده زاویتین حادثیندن بری معلوم
 اولوب آخری مجهول اولسه نوجہله استخراج اولنور .
- ج چونکہ ہر مثلث قائم الزاویہ ده زاویتین حادثین مجموعی
 برزاویہ قائمہ یعنی ۹۰ درجہ بہ مساوی اولدیغندن
 زاویہ معلومہ نك مقداری ۹۰ درجہ دن طرح اولندقده
 زاویہ مجهولہ نك مقداری باقی قالور .

﴿اوننجی درس﴾


— خطوط مستقیمہ تقسیمک پانی —



- س مثلاً α خط مستقیم مسای اوچ قسمہ تقسیم ایتمک
 ممکنیدر .

ج

ممکندر، شویله که \bar{a} خطنک \bar{a} نقطه سندن برزاویه
احداث ایلک اوزره بر خط مستقیم غیر محدودی رسم
بعده اشبو خطک اوزرنده کیف ما اتفق اقسام متساویه
ایله اوچ قسم اخذ و اوچنجی قسمک نهایتی اولان \bar{c}
نقطه سیله \bar{b} نقطه سی یینه \bar{a} خطی وصل اولنوب
اشبو \bar{b} خطنه موازی \bar{a} خطنک اوزرنده بولنان
ایکی قسمک نهایتلرندن برر خط مستقیم رسم اولندقه
اشبو خطلر \bar{a} خطنی قطع ایلدکری نقطه لرده اقسام
متساویه ایله اوچ قسمه تقسیم ایدر •



س

ج

مثلا اشبو \bar{a} خطنی تنصیف ایتک ممکنمیدر •
ممکندر شویله که \bar{a} نقطه لری \bar{a} خطنک نصفندن زیاده
بعد ایله خط مذکورک فوقنده و تحتنده بر برینی \bar{c}
نقطه لرندن قطع ایدیجی قوس پاره لری رسم و \bar{c} خطی

دخی وصل اولندقدده اشبو ۶ ک خطی آ ک خطنی
هه نقطه سنده تصیف ایدر •



﴿اون برنجی درس﴾

— مثالشکیانی —


- | | |
|---|--|
| س | شکاک تعریفی ندر • |
| ج | خطوط مستقیمه ویامنخیه احاطه سندن حاصل اولان
برهیئتدر • |
| س | برشکل رسم ایتک ایچون قاج خط لازمدر • |
| ج | اقلی اوج خط مستقیم لازمدر • |
| س | نه سبیه مبنی اوج خط مستقیم لازمدر • |
| ج | زیرا اوج خط مستقیم اولیوبده اگر ایکی خط مستقیم
اولسه برجتهی آچیق قالمق لازمکلور • |
| س | شکاک قاج نوعی واردر • |
| ج | ایکی نوعی واردر بری شکل مسطح و دیکری شکل مجسمدر • |
| س | شکل مسطحک تعریفی ندر • |
| ج | برخط منحنی و یاخود خطوط مستقیمه و منحنیه احاطه سندن
حاصل اولان برهیئتدر • |
| س | شکل مجسمک تعریفی ندر • |

ج بر سطح منحنی و یا خوسطوح مستویه و منحنیه احاطه شدن
حاصل اولان بر هیئتدر

س بر شکلی احاط ایدن خطوط مستقیمیه نه تسمیه اولنور .
ج اضلاع تسمیه اولنور .


س خطوط مستقیمه دن و یا خود خطوط منحنیه دن و یا خود
خطوط مستقیمه ایله منحنیه دن حاصل اولان شکلره
نه تسمیه اولنور .

ج خطوط مستقیمه دن حاصل اولان شکله مستقیم الاضلاع
و خطوط منحنیه دن حاصل اولان شکله شکل منحنی
الاضلاع و خطوط مستقیمه ایله منحنیه دن حاصل اولان
شکله مختلط الاضلاع تسمیه اولنور .
س شکل مستقیم الاضلاع صورته در .




ج اشبو آ ب ح د ه ح ر ف ل یله کوسریلان شکل کبیدر .
س شکل منحنی الاضلاع نوجهله در .

ج اشبو شکل کبیدر .




- س شکل مختلط الاضلاع نه رسم اوزره در .
ج اشبو اَ تَ حَ حَ حرفلیله ارانه اولنان شکل اوزره در .

۲۹




- س اضلاع ثلثه ایله محاط اولان شکله نه تسمیه اولنور .
ج مثلث تسمیه اولنور .
س نه صورتده اولور .



- ج اشبو شکلی صورتده اولور .
س اشبو شکله نیچون مثلث تسمیه اولنور .
ج زیر اضلاع ثلثه ایله زوایای ثلثه دن مرکب اولدیغیچون
مثلث تسمیه اولنور .
س مثلثاتک انواع متعدده سی وارمیدر .
ج واردر .
س قغیریدر .
ج مثلث قائم الزویه و مثلث متساوی الاضلاع و مثلث
متساوی الساقین و مثلث مختلف الاضلاع و مثلث منفرج
الزویه و مثلث حاد الزوایادر .

- س مثلث قائم الزاویه نك تعريفی ندر
- ج زوایاسندن بری قائمه اولان مثلثد
- س بر مثلثده ایکی ویا اوج زاویه قائمه بولمسی ممکنیدر .
- ج ممکن دکلدر زیرا ایکی زاویه سی قائمه اولسه ایکی ضلعی او چنجی ضلعی اوزرینه عمود اولق لازمکلور .
- س اشبو دعوانك نتیجه سی ندر .
- ج ایکی ضلعك او چنجی ضلع اوزرینه عمود اولقلغندن ضلعین مذکورین متوازیین اولوب بوصورته بربرلیله اصلا تلاقی ایتمکله زاویه ثالته پیدا او
- س مثلث قائم الزاویه نك شکلی نوجهله در



ج اشبو شکل مثللوردر




﴿ اوزن ایکنجی درس ﴾

— مثلثاته متعلق ذیلك بیانی —


- س مثلث متساوی الاضلاعك تعريفی ندر .

- ج اضلاع ثلاثه سی متساویه اولان مثلثدر .
 س مثلث متساوی الاضلاعک شکلی نه صورته در .



- ج اشبو شکل مانندیدر .
 س اشبو مثلث متساوی اضلاعه نه ملاحظه اولنق
 لازمکور .

- ج مثلث مذکورک اضلاعی متساویه اولدیغی کبی زوایای
 ثلاثه سیدخی متساویه اولنق لازمکور .
 س مثلث منفرح الزاویه نک شکلی نصلدر .
 ج اشبو مثلث کبیدر .



- س مثلث منفرح الزاویه ده بیوک ضلعی قنغی زاویه مقابله
 بولنور .
 ج اشبو ا ب ج مثلث منفرح الزاویه ده ا ب بیوک ضلعی

اَ حَ زاویه منفرجه سی مقابلنده یعنی بیوک ضلع بیوک
زاویه مقابلنده بولنور .

س کوچوک ضلعی قنغی زاویه مقابلنده بولنور .
ج بَ حَ کوچک ضلعی اَ حَ زاویه حاده سی مقابلنده


یعنی کوچوک ضلع کوچک زاویه مقابلنده بولنور .
س مثلث مذکورک بیوک زاویه سی قنغیسیدر .

ج بَ زاویه منفرجه سی بیوک زاویه . زیرا دیگر زاویه لره
حاده دیرلر .

س اشبو دعوانک نتیجه سی ندر .
ج هر مثلثده بیوک ضلع بیوک زاویه مقابلنده واقعدر .

س بر مثلثک ضلع اسفلنه نه تسمیه اولنور .
ج قاعده تسمیه اولنور .


س اَ حَ مثلثک قاعده سی قنغیسیدر .
ج بَ حَ ضلع اسفلی قاعده سیدر .




۳۴

س بر مثلثک ارتفاعی نصل تعین اولنور .
ج مثلث مذکورک اَ زاویه رأسندن بَ حَ قاعده سی

- اوزرىنە نازل اولان α ك عمودى ايله تعين اولنور .
 س مذكور α ك عمودى مثلثك داخلىندەھى واقع اولور .
 ج اگر مثلثك جبيع زواياسى حادە اولور ايسە عمودى
 مثلثك داخلىندە واقع اولور .
 س عمود مذكورك داخل مثلثدە بولمىسنىك سببى ندر .
 ج زىرا زاويە منفرجه قاعدە ظرفىدە بولنور ايسە عمود
 مثلث اخراج اولنان قاعدەسى اوزرنده واقع اولور .
 س α ك مثلث منفرج الزاويه نك ارتفاعى نوجهله واقع
 اولور .



- ج اشبو α ك مثلثك α زاويە رأسندن اخراج اولنان
 س ك قاعدەسى اوزرىنە نازل اولان α ك عمودى مثلث
 مذكورك خارجندە واقع اولور .
 س مثلث قائم الزاويه نك ارتفاعى قنغى ضلعيدر .
 ج زاويە قائمەبى محيط اولان ضلعيندن بريسيدر .



- س اشبو مثلث قائم الزاویه ده آ ۶ زاویه قائمه می
 قاروشونده بولان آ ۶ ضلعنه نه تسمیه اولنور .
 ج وتر قائمه تسمیه اولنور .



﴿ اوز اوچنجی درس ﴾


— اشکال ذواربعة الاضلاعک بیانی —

۳۱



- س هرت ضلعی اولان شکلره نه تسمیه اولنور .
 ج ذواربعة الاضلاع تسمیه اولنور .
 س ذواربعة الاضلاعه هرا یکی مقابل بولان ضلعینی
 متوازین بولنق ممکنمیدر .


۳۱



- ج اشبو شکل مثلثو ممکندر
 س ضلعین متقابلینی متوازین اولان ذواربعة الاضلاعه
 نه تسمیه اولنور .
 ج شبه منحرف تسمیه اولنور
 س شبه منحرفک تعریفی ندر

ج ذواربعة الاضلاع دن اولوب ققط ايكي ضلعي بربرينه
موازي اوله .

س ذواربعة الاضلاعك هر ضلعين متقابليني بربرينه موازي
اولق ممكندر .



۳۵

ج اشبو شكلده اولديغي مثللو ممكندر .

س هر ضلعين متقابليني متوازيه اولان ذواربعة الاضلاع
نه تسميه اولنور .


ج متوازي الاضلاع تسميه اولنور .

س شكل متوازي الاضلاعك تعريفيني ندر .

ج هر ضلعين متقابليني متوازيه اولان ذواربعة الاضلاعدر .

س متوازي الاضلاعك درت ضلعي بربرينه مساوي
اولسه نه تسميه اولنور .

۴۰




ج شكل معين تسميه اولنور .

س شكل معينك تعريفيني ندر .

ج ذواربعة الاضلاع دن اولوب زوایاسدن اصلا بری
 قائمه اولیوب جیج اضلاع متساویه اوله .

س متوازی الاضلاع هر زاویه سی قائمه اولق ممکنیدر .
 ج ممکندر لکن معین تسمیه اولنمز .

س هر زاویه سی قائمه اولان متوازی الاضلاعه نه تسمیه
 اولنور .



ج مربع تسمیه اولنور .
 س مربعک تعریفی ندر

ج متوازی الاضلاع دن اولوب جیج اضلاعی متساویه
 وهر زاویه سی قائمه اوله یاخود اضلاع اربعه سی
 متساویه اوله رق هر بری دیگری اوزوینه عمود اوله .
 س متوازی الاضلاعک جیج زوایا سی قائمه اولوب اضلاع
 اربعه سی غیر متساویه اولسه نه تسمیه اولنور .

ج شکل مستطیل تسمیه اولنور .




س مستطیلک تعریفی ندر

ج متوازی الاضلاع دن اولوب هر ضلعین متجاورینی مختلف
 وجیع زوایا سی قائمه اوله .

س ذواربعة الاضلاعه هر ایکی متقابل بولنان بیننه زاویه لر
 واصل اولان آ ب ح د مثللو خط لره نه تسمیه اولنور .

ج قطر تسمیه اولنور •

س قطرك تعريفی ندر •




ج هر ذواربعة الاضلاعك زاويتين متقابليتين بينه واصل
اولان خط مستقیمدر •

س ذواربعة الاضلاعه قاح قطر رسم اولنه ییلور •

ج یالکز ایکی قطر رسم اولنه ییلور •

س شکل متوازی الاضلاع رسمی نوجهله در •



ج اشبو آت ۶ ۵ شکلی کبیدر •

س اشبو آت ۶ ۵ متوازی الاضلاعك قطرلرینه نظراً دقت

اوله جق برخاصه سی وارمیدر •

ج هر متوازی الاضلاعك قطرلری بر برلرینی تقاطع ایلدیکی

نقطه ده تنصیف ایدوب آ ۶ ۵ ۶ ۵ قسملری ایله ب ۶ ۵

قسملری بر برلرینه مساوی اولمق خاصه سی واردر •

س بر شکل معینك قطرلری حقنده بویله دفته شایسته مزیت

تخصیص وارمیدر •

ج وارد زيرا شكل معينك ايكي قطرلری بر برینی تنصیف
ایلدكدن بشته قطرین مذکوریندن بری آخری اوزرینه
عموداً واقع اولمق خاصه سی دخی وارد .

س برشكل مربعك دخی قطرلرنده خصوصات مذكوره نك
جله سی بولنه یلمورمی .


ج بولنور زیرا مربعك قطرلری بر برینی تنصیف ایدوب
هم متساوین و همدخی بر بری اوزرینه عموداً واقع اولمق
خاصه لری بولنور .



﴿اون دردنجی درس﴾

— اشكال كثیرة الاضلاع بیانی —

س بش ضلعلی برشكل نوجمله در .




ج اشبو رسم اولنان وجه اوزره در .

س التی ویدی وسکز وطقوز واون ودها زیاده ضلعلی
شكل رسم ایتك ممکنمیدر .

- ج هرقاج ضلعلى شكل مراد اولنسه رسم ايتك ممكندر .
- س چوق ضلعلى شكلره نه تسميه اولنور .
- ج كثير الاضلاع تسميه اولنور .
- س هر برينه مخصوص تعبير وارميدر .
- ج واردر اكر كثيرة الاضلاع بش ضلعلى اولور ايسه
نخمس والتى ضلعلى اولور ايسه مسدس ويدى ضلعلى
اولور ايسه مسبع وسكز ضلعلى اولور ايسه مثنى وطقوز
ضلعلى اولور ايسه متسع واون ضلعلى اولور ايسه
معشر واون بر ضلعلى اولور ايسه ذواحدى عشر واون
ايكى ضلعلى اولور ايسه ذواثنى عشر وبونلردن ماعدا
اضلاع كثيره صاحبي اولان يكرمى ضلعلى به ذوعشرين
وهكذا تسميه اولنور .
- س كثير الاضلاعك تمريني ندر .
- ج بر سطح مستوى اوزرنده درتدن زياده خطوط مستقيم
احاطه سندن حاصل اولان بر شكلدر .
- س بر شكل كثير الاضلاعك زواياى متساويه اولور ايسه
نه تسميه اولنور .
- ج كثير الاضلاع متساوى الزوايا تسميه اولنور .
- س بر شكل كثير الاضلاعك جميع اضلاع وزواياى متساويه
ولور ايسه نه اولنور .

- ج شکل منتظم تسمیه اولنور .
 س کثیر الاضلاع منتظمه نك تعریفی ندر .
 ح اضلاع وزوایای متساویه اولان شکلدر .
 س اضلاع وزوایای متساویه اولیان کثیر الاضلاعه
 نه تسمیه اولنور .
 ح شکل غیر منتظم تسمیه اولنور .
 س شکل منتظم ویا غیر منتظمك قطرلری قنغی خطرلدر .
 ح زاویه رأسیله متجاوری اولیان سائر زوایای بیننه
 واصل اولان خطرلدر .
 س مثلاً شبو آ ب ح د ه شکل مخمسك قطرلری قنغی خطرلدر .
 ح آ نقطه رأسیله متجاوری اولیان ح د زاویه لری بیننه
 واصل اولان آ ح آ د خطرلدر .



- س اشبو قطرین مذکورینك
 فائده سی ندر .
 ح مذکور قطرلرك عددندن برزیده اولق اوزره شکل
 مزبورى اولقدر مثلثاته تقسیم ایدر یعنی بر شکلك قطرلری
 ایکی اولور ایسه اوج مثلثه تقسیم و اوج اولور ایسه
 درت مثلثه تقسیم ایدر و قس علی هذا .

س عددی اضلاعی معلوم بر منتظمك قطر لری واسطه سیله

• قاج عددی مثلثه تقسیم اولنه جغی معلوم اولنه یلور می •

ج هر شکل منتظمك قاج عدد اضلاعی وار ایسه دائماً

ایکی عددی بعد الطرح باقی قلان عدد متدار نجه اولقدر

• مثلثاته تقسیم اولنه جغی معلوم و بدیهیاتنددر •

س برش-کل منتظم و یا غیر منتظمك جله اضلاعنه نه تسمیه

اولنور •

ج محیط الشكل تسمیه اولنور •



﴿ اوز بشنجهی درس ﴾

— دائرة ومحیط دائرهك بیانی —

س بر پرکاره اشارت ایدرك بوالث ندر •


ج بواسعار اولنان پرکاردر •

س پرکار تسمیه اولنان التک فائده سی ندر •

ج الت مذکورك براوجنی ثابت ایدوب دیگر اوجنی دوراً

حرکت ایتدیر کده برخط


• بر منحنی رسم ایدر •



- س خط منحنی مذکورک خاصه لازمہ سی وارمیددر .
- ح خط منحنی مذکورک جمیع نقطہ لرندن پرکارک ثابت اولدیغی اوجنه دکن کافه ابعادی متساویه اولق حاصه سی واردر .
- س بومثللو خط منحنیه نه تسمیه اولنور .
- ح محیط تسمیه اولنور .
- س محیطک تعریفی ندر .
- ح وسطنده مرکز تسمیه اولنان نقطه ثابته دن کندی اوزرنده واقع جمیع نقطه یه دکن کافه ابعادی متساویه اولان خط منحنیدر .
- س محیطک دوراً حاوی اولدیغی مسافه یه نه تسمیه اولنور .
- ح دائره تسمیه اولنور .
- س دائرنک تعریفی ندر .
- ح برسطح مستوی اوزرنده برخط منحنی احاطه سندن حاصل اولوب داخلنده واقع برنقطه دن خط منحنی مذکورہ خروج ایدن جمیع خطوط مستقیمه متساوی یه اوله رق برشکادر .
- س دائره یی اضلاع کثیره صاحبی برشکل منتظم اعتبار ایتک ممکنیدر .
- ح اضلاع کثیره سی غایت اصغر برشکل منتظم مثالی اعتبار ایتک ممکنیدر .

﴿ اونی التنجی درس ﴾

— قطرو نصف قطرک بیان —



- | | |
|---|---|
| س | اشبو دائره نك مركزندن مرور و محیطنه منتهی اولوق |
| | اوزره بر خط مستقیم رسمی فصل اولور . |
| ج | اشبو ح ه ک خط مستقیم کی اولور |
| س | اشبو دائره نك مركزندن مرور و ایکی طرفی محیطنه |
| | منتهی اولان خط مستقیم نه تسمیه اولنور |
| ج | قطر دائره تسمیه اولنور . |
| س | اشبو دائره نك مركزندن محیطنه قدر واصل اولان |
| | ح ه خطنه نه تسمیه اولنور . |
| ج | نصف قطر تسمیه اولنور . |
| س | بر دائره نك قطرنده ن مقدار نصف قطر وارد |
| ج | ایکی نصف قطر وارد |
| س | قطر دائره نك تعریف : |

ج مرکز دڼ مرور ایدوب محیط دائره یه واصل اولان
برخط مستقیمدر .

س نصف قطر تعریفی ندر .

ج مرکز دائره دڼ محیطنه واصل اولان برخط مستقیمدر

یعنی دائره نځ مرکزیه محیطی بیننده واقع اولان برخط
مستقیمدر و یاخود بر دائره رسم ایتک ایچون پرکارک
فخنه لازمکلان بعددر .


س برخط مستقیم محیط دائره بی قاچ نقطه ده قطع ایدر .

ج ایکی نقطه ده قطع ایدر .

س دائره نځ مرکزندن مرور ایتیه رک محیطی ایکی نقطه ده

قطع ایتک اوزره برخط مستقیم نصل رسم اولنور .

ج اشبو ځ ځ خط مستقیم کی رسم اولنور .



س اشبو ځ ځ خط مستقیم نه تسمیه اولنور .

ج وتر تسمیه اولنور .

س وترک تعریفی ندر .

ج مرکز دائره دڼ مرور ایتوب ایکی طرفی محیطه منتهی

اولدرق رسم اولسان خط مستقیمدر .

س وترك طرفينده منحصر جزؤ محیطه نه تسمیه اولنور •

ج قوس تسمیه اولنور


س قوسك تعريفی ندر

ج وترك طرفينده منحصر محیطك برقطعه سیدر •

س بر قوس دائره نك وترى نصفندن عمود اوله رق قوس

مذكوره یه منتهی اولنجیه دكین برخط مستقیم نوجهله

رسم اولنور •



ح اشبو اَبَ خط مستیمی کبی رسم اولنور

س خط مذکوره یه نه تسمیه اولنور •

ج سهم تسمیه اولنور

س سهمك تعريفی ندر

ح بر قوس منتهی اولنجیه دكین کندى وترى نصفندن عمود


اوله رق اخراج اولنان خط مستیدر

س بر قوسك وترى نصفنه نه تسمیه اولنور

ح اول قوسك جیبی تسمیه اولنور

﴿اۆن دىنبى درس﴾


— مركز دائره تعيينك پانى —



س اشبو α دائره معلومه نك مركز مجهولى نوجهله
تعيين اولنور .

ج اولاكيف ماتفق α وترى رسم بعده مذكور
 α وترى ه نقطه سندن تنصيف واوزرينه ابكى
طرفدن محيط دائره بى قطع اينجه يه قدر α عمودى
اخراج ه ح نقطه سندن تنصيف اولندقه اشبو ح
نقطه سى دائره مزبوره نك مركزى اوله رق تعيين
اولنور .

س اشبو α قوس معلومك مركز مجهولى نوجهله
تعيين اولنور .




ج مرکز مجهول مطلوب اولان آ ب قوسنه کیف
 ماتفق آ ب ق و تری رسم بعده مذکور وتر
 ه و ر عمودری ایلہ تنصیف اولندقدہ عمودین
 مذکورینک بربرینی تقاطع ایلدیکی ط نقطه سی قوس
 مزبورک مرکزی اوله رق تعیین اولتور .

س داخل دائره ده واقع هر قنغی نقطه دن محیطه دکن رسم
 اولنان خطوط مستقیمه متساویه ایکیدن زیاده اولور
 ایسه نقطه مذکوره مرکز دائره اولورمی .
 ج اولور و بودعوی اصول هندسه ده مبره ندر .

﴿ اونسکزنجی درس ﴾

— دائره ده متعلق مسائلک بیانی —



س هر قطر کندی دائره سنی قاچ قسمه تقسیم
 ج ایکی مساوی قسمه تقسیم ایلر .
 س قطر محیط دائره بی قاچ قسمه تقسیم ایلر

ج كذلك ایکی مساوی قسمه تقسیم ایدر .
 س محیط دائره یی پرکار واسطه سیاه اقسام متساویه کثیره یه
 تقسیم ایتک ممکنمیدر .

ج بالتجربه فتح پرکار ایدرک علی التوالی مطلوب اولندیغی
 مقدار اقسام متساویه یه تقسیم ایتک ممکنمیدر .

س مذکور محیط دائره یی $ا ب ح د ه$ نقطه لرنده بش اقسام
 متساویه یه تقسیم ایدوب هر بر تقسیم متجاوره بیننه
 $ا ب ح د ه$ وترلی وصل اولندقدده قاچ قسمه
 تقسیم اولنور .

ج كذلك بش اقسام متساویه یه تقسیم اولنور .
 س مذکور وترک متساویه اولدقلرینک سبی ندر .
 ج چونکه محیط دائره مذکوره نک اقسامی پرکارک مساوی
 بعدیه اخذ اولندقلرندن مزبور نقطه لر بیننه وصل
 اولان وترلر دخی یکندیکرینه مساوی اولدقلری اصول
 هندسه ده مبرهندر .


س اشیو وترلردن نه درلو شکل حاصل اولور .
 ج شکل کثیر الاضلاع حاصل اولور .
 س اوتار متساویه دن حاصل اولان منتظممیدر یوخسه
 غیر منتظممیدر .

ج اوتار متساویه دن حادث اولان شکاک جمیع اضلاع
 متساویه اولدیغی مثلاًو کافه زوایای دخی متساویه

اولدیغندن شکل کثیر الاضلاع منتظم اولور .
 س بوتقدیرجه دائره داخلنده بر کثیر الاضلاع منتظم رسم
 ایتمک ممکنمیدر .

ح داخل دائرهده رسمی مراد اولنان هر قنغی کثیر
 الاضلاعک اعداد اضلاعی مقدارنجه محیط دائره بی
 اعداد اقواس متساویه به تقسیم وعلی التوالی بینلرینه
 برر وتر وصل اولنه رق ممکندر .

س مثلا اشبو دائره نك محیطی اوزرنده یالکز بر نقطه سنه
 تماس ایدن ر ح خطنه نه تسمیه اولنور .
 ح خط مماس تسمیه اولنور .



س خط مماسک تعریفی ندر .
 ح محیط دائره بی قطع ایتمیوب ققط بر نقطه سنده تماس
 ایدن خط مستقیمدر واشبو نقطه به نقطه تماس دینور .
 س خط مماسک صیتی نوجهله تین ایدر .
 ح نقطه تماس ایله مرکز دائره بیننه واصل اولان نصف
 قعطر اوزرینه خط مماس عموداً واقع اولور ایسه صیتی
 تین ایدر .

س مثلاً دائره مذكوره نك هر قنغى بر ۶ نقطه سنه تماس

ايتك اوزره بر خط مماس رسمى نوجهله در .

ج محيط دائره نك ۶ نقطه سنه تماس ايتك اوزره بر خط

مستقيم رسم ايتك مراد اولنسه ۶ نقطه مفروضه سيله

۶ مركز دائره بينه ۶ ك قطرى وصل اولنوب

اوزرينه ۶ نقطه سندن ۶ عمودى رسم اولندقه

اشبو ۶ خطى دائره مذكوره به ۶ نقطه سنده خط

مماس اولور .

س بر دائره نك محيطنه تماس ايتك اوزره خط مماس

واسطه سيله هر قنغى بر شكل كثير الاضلاع منتظم رسم

ايتك ممكنميدر .

ح ممكندر شويله كه فرضاً بر دائره نك اوزرينه منحنى منتظم

رسم ايتك مراد اولنسه اول محيط دائره يى بش اقسام

متساويه به تقسيم ايدوب اشبو نقطه لك هر برندن محيط

دائره مذكوره به تماس ايدرك بر خط مماس رسم


و بر لر يى تلاقى ايدنجيه قدر ايكي طرفلرندن اخراج

اولندقه حادث اولان شكل ديره مرقومه اوزرنده

منحنى منتظم اولور و قس على هذه .


س داخل دائره ده ايكي نصف قطر تقاطعندن حادث اولان

ا ب ۶ زاويه به نه نسيه اولنور .



ج زاویه مرکزیه تسمیه اولنور .
 س داخل دائرهده رأس محیط اوزرنده بولمق شرطیه ایکی
 وتر تقاطعدن حادث اولان ک و ر زاویه سنه نه تسمیه
 اولنور .

ج زاویه محیطیه تسمیه اولنور .
 س مثلاً آ ه ب ح دائره سی داخلنده بر مثلث متساوی
 الاضلاع رسم ایتمک ممکنیدر .




ج ممکندر شویله که اولا دائره مذکور هک داخلنده ح ه
 قطری رسم ثانیاً ه نقطه سندن ه ک نصف قطری نک
 مقدارینه مساوی ه آ ه ب قسملری قطع ثالثاً ا ب ح
 نقطه لری بیننه آ ب ح ح آ خطلری وصل اولندقدہ

حادث اولان α β مثلثی مثلث متساوی الاضلاع
اولور .

مثلاً α β γ دایره‌سی داخلنده بر مربع رسم ایتمک
ممکنیدر .

س



ممکندر شویله که بر برینه عموداً مرکز دایره‌ده قطع ایتمک
اوزره α β γ قطرلری رسم اولوب بعده α β γ
 δ خطلری وصل اولندقدده حادث اولان α β γ δ شکل
مربع منسوب اولور .

ج



﴿ اون طقوزنجی درس ﴾

— سطوح مستویه مساحه سنک بیانی —

شکل هندسی سطحینک تعریفی ندر .
برشکلی جمیع جهاتندن خطوط مستقیمه و یا منحنیه ایله
احاطه ایدن بر سطح مستویدر .

س

ج

س هر قنغی بر شکلک مساحه سطحیه سنی اخذ ایتک ندن عبارتدر .


ج قرار داده اوزره مستعمل اولان بر مقیاسدن شکل مذکورک حاوی اولدیغی کرات مقدارنجه سطحی اخذ ایتکدن عبارتدر .

س بر شکل کثیر الاضلاعک مساحه سطحیه سنی اخذ ایتک ایچون نه درلو مقیاس استعمال اولنور .

ج بهر ضلعی واحد اولمق اوزره بر ذراع و یا بر قدم و یا سائر بر مقیاسدن اخذ اولنان بر مربع سطحی استعمال ایله یعنی جمیع سطوح اشبو مساحه سطحیه سی واحد اولان مربع ایله مساحه اولنور .

س مثلا اشبو $A B \Gamma$ شکل متوازی الاضلاعک مساحه سطحیه سی نوجهله استخراج اولنور .

ج $A H$ ارتفاعنی Γ قاعده سنه ضرب ایله اشبو شکلک مساحه سطحیه سی اخذ اولنور .




س اضلاعندن بری معلوم اولان بر مربعک مساحه سطحیه سی نوجهله استخراج اولنور .

ج شکل مربع اضلاعی متساویه اولدیغندن ارتفاعی قاعده‌سینه یعنی عدد معلومی کندی نفسنه ضرب ایله استخراج اولنور .

س هر قنغی شکل متوازی الاضلاع ارتفاعی قاعده‌سینه ضرب ایله حاصل ضرب نیه دلالت ایدر .

ج متوازی الاضلاع مذکورده حاصل ضرب اعدادی مقدارنجه اول قدر مربعاته دلالت ایدر .

س مثلاً $\triangle ABC$ مثلثک مساحه‌سی نوجمله استخراج اولنور .
ج مثلث مذکورک $\triangle ABC$ قاعده‌سنی AC عمودینک نصفه ضرب ایله $\triangle ABC$ مثلثک مساحه‌سی استخراج اولنور .




س مثلثک مساحه‌سی قاعده‌سنی عمودی نصفه ضربک حاصلنه ندن مساویدر .

ج زیرا $\triangle ABC$ مثلثک AC ضلعنه موازی CE خطی رسم $\triangle ABC$ قاعده‌سینه موازی AC خطی رسم اولندقدہ حادث اولان $\triangle BCE$ متوازی الاضلاع $\triangle ABC$ مثلثک ضعفی اولوب متوازی الاضلاع مذکورک مساحه‌سی $\triangle ABC$ قاعده‌سنی AC عمودینه ضربیدن حاصلنه مساوی اولدیغندن انک نصفی اولان $\triangle ABC$ مثلثک مساحه‌سی دخی قاعده‌سنی

ا که عمودینک نصفه ضربدن حاصلنه مساوی اولور .
 س مثلا آ ب ح که شبه منحرفک آ ب ح که ضلعین متوازیینله
 کندی بینلرنده واقع که ه عمودی معلوم ایکن مساحت
 سطحیه سی نوجهله استخراج اولنور .

ج شبه منحرف مذکورک ا ه عمودی آ ب ح که ضلعین
 متوازیینی مجموعنک نصفه ضرب اولنهرق مساحت
 سطحیه سی استخراج اولنور .




س شبه منحرف مساحتیه سی بولمق ایچون عمودینی ایکی خطین
 متوازیینی مجموعنک نصفه ضرب ایتمک ندن لازمکلور .
 ج زیرا آ ب ح که قطری واسطه سیله شبه منحرف مذکورک
 عمودلری متحد وقاعده لری مختلف اولهرق آ ب ح
 ب که ایکی مثلثه تقسیم اولنوب اشبو مثلثلرک
 مساحتلری عمودلرینی قاعده لرینک نصفه ضرب ایتمک
 لازم کلدیکندن بوتقدیرجه آ ب ح که مثلثلرینک
 مجموعنه مساوی اولان آ ب ح ب که شبه منحرف
 مزبورک مساحتیه سی دخی قاعدتین اولان آ ب ح که
 خطین متوازیینی مجموعنک نصفی ا ه عمودینه ضرب
 ایتمک لازمدر .

س مثلث قائم الزاویه نك اضلاع ثلاثه سی اوزرینه بر مربع
رسم اولنسه بر خاصه مشهوره سی وارمیدر •

ج چونکه اصول هندسه ده مبرهندر که هر مثلث قائم
الزاویه ده وتر قائمه مربعی ضلعین آخرین مربعی
مجموعه مساوی اولمق خاصه مشهوره سی واردر •

س وتر قائمه مربعی ضلعین آخرین مربعی مجموعه مساوی
اولدینخی دعوای مهمه سی استکشافنک منسوب الیهی کیدر •

ج مشاهیر قدمای فلاسفه دن پتاغور نام حکیم دعوای
مذکوریه حل واستکشاف ایلدکده اشد فرخندن
کسب مسروریت ایلک شهرت شعار و بونی بر نعمت عطیه
عد و اعتبار ایدرک تشکراً یوز رأس او کوز ذبح
و قربان ایشدر •




﴿ یکر منجی درس ﴾

— اشکال کثیره الاضلاع ایلد دایره و قطاع دایره مساحه لری نك بیان —


س مثلاً اشبو آ ب ح د ه شکل کثیر الاضلاع غیر مستطلمک
مساحه سی نوجهله استخراج اولنور •

ج اولاً شکل مذکورک زوایاسنک برندن فرضاً آ

زاویه‌سندن α زاویه‌لری بینہ α α ک قطرلری
وصل ایله α α α ک α ه ک مثلثیینه تقسیم بعده
نقطه‌سندن α خطی اوزرینه α نقطه‌سندن
 α ک خطی اوزرینه ه نقطه‌سندن کذلک α ک خطی
اوزرینه برر عمود اقامه اولندقدہ حادث اولان مثلثلرک
مساحه‌لری یعنی هر برینک عمودینی قاعده‌سی نصفه
ضربدن حاصلی جمع اولنده رق α α ک ه شکل
غیر منتظمک مساحه‌سی استخراج اولنور .



س اشبو اجرا اولنان عمل بعینه α α α ه و ر α شکل
منتظمک مساحه‌سی استخراجچنده دخی جاریمیدر .
ج علی‌الموم جاریدر . فقط بوندن بشته اشکال منتظمه‌نک
مساحه‌سی خصوصنده برطریق اسهل اولوب شویله‌که
مثلا α α α ک ه و ر α شکل منتظمک داخلنده جمع
اضلاعه تماس ایدرک برداره رسم و مرکز دایره‌دن
 α α α ک ه و ر α زاویه‌لری بینہ بر خط مستقیم
وصل اولندقدہ .



قاعدہ‌ری اضلاع شکل و عمودری نصف قطر دائره
اوله رق شکل مذکور ک عدد اضلاعی مقدار بجه اولقدر
مثلثات مساویہ به تقسیم اولند یغندن مساحہ‌ری دخی
عمودری نیک قاعدہ‌ری نصفه یعنی نصف مجموع اضلاع
نصف قطر دائره به ضربیدن حاصلی $ا ب \times د ه$ و ر ح شکل
منتظمک مساحہ‌سی اولور .

س بو تقدیر جہ بر شکل منتظمک مساحہ‌سی نیہ مساویدر .
ج نصف مجموع اضلاعی نصف قطر دائره داخله به ضربیدن
 حاصله مساویدر .

س قطاع دائره مساحہ‌سی نیہ مساویدر .
ج نصف قوس قطاعی نصف قطره ضربک حاصله
 مساویدر .

س بردائره نیک مساحہ‌سی نوجهله استحصال اولنور .
ج نصف محیط دائره‌ری نصف قطره ضرب ایله استحصال
 اولنور .

س خلاصه کلام ذکر و بیان اولئان مواددن علم هندسه ده
کثیر الاستعمال اولان اشکالک مساحه لری علی طریق
الاختصار نیه مساویدرلر .

ج اولاً متوازی الاضلاعک مساحه سی قاعده سی عمودینه
ضربدن حاصلنه مساویدر .

ثانیاً بر مثلثک مساحه سی قاعده سی عمودک نصفه ضربدن
حاصلنه مساویدر .

ثالثاً هر مثلث قائم الزاویه ده وتر قائمه مربعی ضلعین آخرین
مربع لری مجموعنه مساویدر .

رابعاً شبه منحرفک مساحه سی ضلعین متوازی بی مجموعنک نصفی
بیلنرنده واقع عموده ضربک حاصلنه مساویدر

خامساً شکل کثیر الاضلاع منتظمک مساحه سی نصف مجموع
اضلاعی نصف قطر دائره داخله یه ضربدن حاصلنه
مساویدر .

سادساً دائره نک مساحه سی نصف محیطی نصف قطره ضربک
حاصلنه مساویدر .

سابعاً قطناع دائره مساحه سی نصف قوسی قطاعی نصف
قطره ضربدن حاصلنه مساویدر .




﴿ یکر می برنجی درس ﴾

— سطوح مستویه نك یانی —

- س سطح مستویك تعریفی ندر .
- ج سطح مستوی اوزرینه بر خط مستقیم منطبق اولدوقده
 جمیع جهاتنه تماس ایتك ممكن اوله .
- س ایکی سطح مستوی بر بریله تلاقی ایتك نمکنمیدر .
- ج ممکندر .
- س ایکی سطح مستویك بر بریله تلاقیسنندن حادث اولان
 خط نه اوزره اولور .
- ج خط مستقیم اوزره اولور .
- س ایکی سطح مستویك بر بریله تلاقیسنندن حادث اولان
 خط مستویه نه تسمیه اولنور .
- ج فصل مشترك تسمیه اولنور .
- س ایکی سطح مستویك بر بریله تلاقیسنندن نه حادث اولور .
- ج زاویه ذوالوجهین حادث اولور .
- س زاویه ذوالوجهین قائمه اولورمی .
- ج اگر سطحیندن بری آخری اوزرینه عموداً واقع اولور
 ایسه زاویه ذوالوجهین قائمه اولور .
- س زاویه ذوالوجهین حاده و یا خود منفرجه اولورمی .

- ج اگر زاویه مذکوره زاویه قائمه‌دن کوچک اولور ایسه
 حاده اگر بيوك اولور ایسه منفرجه اولور .
 س سطحین مذکورینک بری آخری اوزرینه عموداً واقع
 اولدیغی نوجهله یلنور .
 ج بری دیگرى اوزرنده جهتینندن برینه آخرندن زیاده
 تمایل ائلامک کیله یلنور .
 س سطحین مستویین متلاقیینک رسمی نوجه اولور .
 ج شول وجهله نظر و تصور اولنور که بر برینی تلاق ایدن
 سطحین مستویینی ایکی متوازی الاضلاعک برر ضلعی
 فصل مشترکی اوزرینه منطبق اولش مثالی فرض
 وبعده سطحین متلاقیینی بر موجب علم مناظر برکاغد
 اوزرینه صورت کورو نشنه مطابق رسم اولتملغی
 وجهله در .



- س علم مناظر دن مراد ندر .
 ج علم مناظر دن غرض کړک بر سطح مستوی وکړک سطوح
 مستویه مختلفه اوزرنده موضوع اجسامی کاغد ویا
 بر لوحه مثالی بر سطح مستوی اوزرینه رسم ایتکدر .
 س سطحین مستویین متلاقیینک هر برینی فرضاً فصل

مشترك اوله رق بر سطح مستوى آخرى قطع ايلدكده
اشبو سطوح ثلاثه ييننده منحصر اولان مسافه ده
نه تسميه اولنور .

ج زاويه مجسمه تسميه اولنور .

س زاويه مجسمه نك تعزيفى ندر .

ج بر نقطه ده ايكي دن زياده متجمع سطوح مستويه نك
يبننده منحصر اولان مسافه منزويه در .



﴿ يكرمى ايكنجى درس ﴾


— اجسام كثيره السطوح ايله منشورك ياني —

س جسمك صورت وشكلى نصلدر .

ج جسمك صورتى اشبو رسم اولنان شكل كبيدر .


س اشبو صورت ندن جسمدر .

ج زيرا كندوسنده ابعاد ثلاثه يعنى طول وعرض وعمق
بولنديغندن جسمدر



س جسمى احاطه ايدن سطوح مستويه نه تسميه اولنور .

- ج وجوه تسمیه اولنور •
- س جسمك وجوهی ندن عبارتدر •
- ج سطوح مستویه دن عبارتدر •
- س مسطور مستوینك شكلی ندر •
- ج اشكال كثیرة الاضلاعدر •
- س علم هندسدهده سطوح مستویه احاطه سندن حاصل اولان جسمه نه تسمیه اولنور •
- ج كثیرة السطوح یاخود كثیرة القواعد تسمیه اولنور •
- س كثیرة السطوح منتظمك تعریفی ندر •
- ج جیع وجوهی اشكال منتظمة متساویه وكافه زوایای مجسمه سی دخی متساویه اولان جسمدر •
- س جسم كثیرة السطوحده نه ملاحظه لازمدر •
- ج مثلا اشبو شكلده اولدیغی مثللو جسم كثیرة السطوح قاعده سفلاسی اوزرینه دخی اوتورمق وبربرینه موازی بولنقی ملاحظه سی لازمدر •



س جسم كثيرة السطوحك قاعدتيني بيننده واقع. وجوهك
شكلي ندر .

ح اشكال متوازية الاضلاعدر

س قاعدتيني متوازية ووجوه ساره سي اشكال متوازية
الاضلاع اولان جسم كثيرة السطوحه نه تسميه
اولنور .

ج منشور تسميه اولنور

س بوتقديرجه منشورك تعريفى ندر

ج منشور بر جسمدرکه سطوح مستويه متوازية الاضلاع
احاطه سندن حاصل اولوب ايکي نهايتنده قاعده تعبير
اولنان مستويلر دخی هم متوازيين وهم متشابهين وهم
متساويندر .


س جسم كثيرة السطوحك وجوهنى تفريق ايدن خطوطه
نه تسميه اولنور .

ج اضلاع ويا حدود تسميه اولنور .


س بر سطح اوزرينه منشور رسم ايتک نوجهله اولور .

ج اولارسمى مراد اولان منشورك قاعده لری اولمق


اوزره بر برينه موازی ايکي عدد مشابه ومساوی
شکل وبعده قاعدتين مذکور تينک رأس لری بينه برر
خط مستقيم کشيده اولندقدہ حادث اولان شکل منشور
مذکورک رسمى اولور .



- س قاعده‌لری مثلث اولان منشوره نه تسمیه اولنور •
- ج منشور مثلثی تسمیه اولنور •
- س منشور مثلثینک شکلی نوجهله‌در
- ج اشیو رسم اولنان شکل کبیدر



- س قاعده‌لری ایله هرایکی مقابله‌لری هم متوازیین وهم متشابهین وهم متساویین اولان منشوره نه تسمیه اولنور •
- ج متوازی السطوح تسمیه اولنو
- س متوازی السطوحده نه ملاحظه اولنور
- ج وجوه سسته ایله محدود یعنی هرایکی مقابلی متوازیین اوله‌رق الی عدد متوازی الاضلاع متساویه ایله محاط اولدیغی ملاحظه اولنور •
- س متوازی الاضلاع رسمی نشکلدر




- ج اشبو مرسوم شكل كبيد
 س اضلاعندن هر برى قاعدتيى اوزينه عمود اولان
 متوازى السطوحه نه تسيمه اه لته
 ج متوازى المستطيلات ته
 س متوازى المستطيلاتده نه ملاحظه اولنور
 ج هر ايكي مقابلى متوازيين ومتساويين اوله رق التى عدد
 مستطيلات احاطه سندن حادث اولديغى ملاحظه اولنور •
 س اشبو كتابك زاويه لرى قائمه اوله رق التى عدد وجهى
 وارميدر •
 ج واردر •
 س منشور قائمك تعريفى ندر
 ج اضلاعندن هر برى قاعدهسى اوزرينه عمود اولان
 منشوردر •
 س منشور مائلك تعريفى ندر •
 ج اضلاعى قاعدهسى اوزينه مائله اولان منشور
 س منشورك ارتفاعى قنغى بعددر •

ج منشور ك قاعدتینی بیننده واقع بعد یا خود قاعده علیاسنك
بر نقطه سندن قاعده سفلاسی اوزرینه نازل اولان
عموددر •

س منشور قائمك كثیر الاستعمال اولانی قنغیسیدر •
ج جیع جهاتی متساویه و هر ایکی مقابلی متوازیه و كافه
زوایای قائمه اولان منشوردر •


س وجه مشروح اوزره بولنان منشوره نه تسمیه اولنور •
ج مكعب تسمیه اولنور •
س شكل مكعب نوجهله در •



ج اشبو مرسوم شكل کیدر •
س مكعب كثیر السطوح برشكل منتظمیدر •
ج چونكه مكعبك جیع جهاتی مربعات متساویه و كافه
زوایای مجسمه سی قائمه اولدیغندن كثیر السطوح برشكل
منتظمدر •

• یکر می اوچنجی درس •

— اهرامك بيانى —



س اشبو شكل مرسومه نه تسميه اولنور

ج جسم تسميه اولنور •

س نيچون جسمدر •

ج زيرا ابعاد ثلاثه يي محتوي

س اشبو جسمك قاچ قاعده سي واردر

ج بر قاعده سي واردر

س بوصورته جسم مذكور منشور

ج چونكه منشور ذكر و بيان اولنديغي اوزره قاعدتين

متوازييننه منتهي جميع وجوهي اشكال متوازية الاضلاع

احاطه سندن حاصل اولان شكل كثير السطوح اولوب

جسم مذكور ايسه اشبو اوصاف اوزره اولديغندن

منشور دكلدر

س ينه جسم مذكورك جميع وجوهي اشكال متوازيه

اولورمي

ج مذکور جسمك وجوهی اشكال متوازية الاضلاع
اولیوب انجق رأسلى نقطه واحدهده مجتمه اولان
مثلثاتدن عبارتدر .

س بوتقدیرجه منشور اولیان بویه جسمله نه تسمیه
اولنور .

ج اهرام تسمیه اولنور

س اهرامك تعریفی ندر

ج برقاعده ایله رأسلى نقطه واحدهده مجتمه اوله رق


برطاقم مثلثات احاطه سندن حادث اولان اجسامدر

س ارتفاع اهرام قنغی خطدر

ج رأس اهرام اولان ۱ نقطه سندن قاعده سی اوزرینه

یاخود اخراج اولنان قاعده سی اوزرینه نازل ۲

عمودیدر



س اهرامدن برینك رسمنه ابتدا نره سندن بدأ اول

ج منشورك رسمنده اجرا اولدیغی مثللو اهرامك دخی

ابتدا قاعده سی رسم اولنور .

س قاعده مذکوره رسمندن صکره نه وضع وتعيين اولتھرق

• اهرام مزبورہ حاصل اولور

ج همان نقطه رأس وضع وتعيين اولنوب بعده اشبو


نقطه رأس قاعده مرسومه نك جميع زوايا سي يئنه برر

خط مستقيم رسم اولندقدہ اهرام مطلوب حاصل اولور •

س قاعده سي مثلث اولان اهرامه نه تسميه اولنور

ج اشبو شكلده ازانہ اولنديغي اوزره اهرام مثلي تسميه

• اولنور



س قاعده سي مربع ويا مستطيل ويا خود مخمس اولان

• اهرامه نه تسميه اولنور

ج اكر قاعده اهرام مربع ايسه اهرام مربعي واكر

مستطيل ايسه اهرام مستطيل واكر مخمس ايسه اهرام

مخمس وهكذا تسميه اولنور •

س اهرام منتظمه نك تعريف ندر

ج قاعده سي شكل مستقيم الاضلاع منتظمه اولوب رأسندن

«عده سی اوزرینه نازل اولان عمودی مرکز قاعده»
زبوریه تصادف ایدن اهرامدر



﴿یکرمی دردنجی درس﴾

— کره نك پیانی —

- س کره نك تعریفی ندر
- ج کندی وسطنده مرکز تسمیه اولنان نقطه سیله اوزرنده
واقع جمیع نقطه سی بیننی بعد واحد اولق اوزره
برخط منحنینک مستدیراً احاطه سندن حادث اولان جسمدر.
- س کره نك جسم اولدیغی ندن معلومدر
- ج کندوسنده ابعاد ثلثه بولندیغندن معلوم
- س کره نك ابعاد ثلثه سنه نظراً نه تنبیه واردر
- ج کره نك طولی عرضنه و عرضی عمقنه مساوی اولقلق،
تنبیهی واردر .
- س کره نك سطحی مستویمیدر
- ج سطح منحنیدر .
- س کره نك سطحی نیچون منحنی
- ج زیرا اوزرینه برخط مستقیم تطبیق اولسنه جمیع جهاتی
تماس اولندیغندن سطح منحنیدر

متساویه اوزره اولان نصف قطرك ضعفى اولديغندن
 نصفلك تساویسندن ضعفلك تساویسی لازم كلوب
 مذکور قطرلر بربرلینه مساویدرلر .




﴿ یکریمی بشنجی درس ﴾

— کرهیه متعلق مباحثك بیان —

- | | |
|---|--|
| س | بركره نك مركزندن مرور ايدرك برمستويله قطع اولنسه
اشبو قسملره نه تسمیه اولنور . |
| ج | نصف کره تسمیه اولنور . |
| س | نصف کره نك تعریفی ندر . |
| ج | بركره نك قسمن متساویندن بریدر . |
| س | بركره هرایکی مستوین متوازیین ایله قطع اولنسه
اشبو مستوین متوازیینك ییننده منحصر اولان جزئه
نه تسمیه اولنور . |
| ج | منطقه تسمیه اولنور . |
| س | بوتقدیرجه منطقه نك تعریفی ندر . |
| ج | قاعدهلری اولان هرایکی مستوین متوازیین ییننده
محصور کره نك برجزئیدر . |
| س | شكل کره نه صورتدهدر . |

ج اسبو مشكله اراڻه اولنديڻي مثللو دائره صورتده در .



س منطقه كره قاعده ليله بر كاغد و يا بر لوحه اوزرينه
نوجمله رسم اولنور .

ج منطقه نك قاعده لري ايكي سطح مستوي اولوب اول
كاغد و يا لوحه اوزرينه عمود فرض اولنه رق آنلري
تلاق ايدنجيه دكين اَب ح ك خطين متوازييني رسم اولنور .

س اشبورسم اولنان دائره نك قنغي قطعه سنه منطقه ديلور .
ج اَب ح ك خطين متوازيين بيننده بولنان اَب ح ك قوسلرينه
منطقه دينور .

س فرضا بر كره دائره سي محيطنك جميع نقطندن بهري بعد
واحد اوزره بولمق شرطيله سطح كره اوزرنده ايكي
نقطه وارميدر .

ج واردر شويله كه اول دائره مركزندن مرور وايكي طرفي
سطح كره به منتهي اوله رق عموداً بر خط مستقيم رسمي
توهم اولند قده اشبو خط مستقيم سطح كره به ملاقي
اولنديڻي نقطه لردن هر برينك دائره مذكوره محيطنه

اولان بعدی علی السویه اولدیغندن اشبو نقطه لر نقطتین

مطلوبتین اولور لر .

سببی ندر .

س

چ زیرا مذکور عمودك هر بر نقطه سندن محیط دائرة

ج

مزبورہ نك هر بر نقطه سنہ اولان ابعادی علی التساوی

اولدیغندن سطح کره اوزرنده عمود مذکورك تلاق

ایلدیکی نقطه لر در .

اشبو نقطه لر نہ تسمیه اولنور .

س

قطبین تسمیه اولنور .

ج

دائرة کره قطبینك تعریفی ندر .

س

سطح دائرة عموداً واقع اولان قطر کره نك نهایتلر در .

ج

قطبین سطح کره اوزرنده می واقعدر .

س

چونکہ قطر سطح کره یه منتهی اولدیغندن قطبین دخی

ج

سطح کره اوزرنده واقعدر .

کره مستویات کثیره ایله قطع اولنسه حادث اولان

س

جیع دوائر متساویه اولور لر می .

مطلقاً مرکز کره دن مرور ایدر ك قطع اولنسه لر حادث

ج

اولان جیع دوائر متساویه اولوب بوتقدیرجه هر برینه

دائرة عظیمه تسمیه اولنور .


دائرة عظیمه نك تعریفی ندر .

س

مرکز کره مرکزی اولان دائرة در .

ج

- س مرکز کرده دن مرور ایتیان دواړه نه تسمیه اولنور .
 ج مرکز کرده دن بعید اولدجه قدر ضغیر اولدیغندن
 دواړه صغیره تسمیه اولنور
 س دواړه صغیره نك تعریفی ندر
 ج مرکز لری مرکز کره اولمیان دا
 س دواړه متعدده متشابهه نك صورتی نوجهله در
 ج اشبو شکل مرسوم اوزره آ ب دواړه
 دآره سی ه ه دآره سنك مرکزندن مرور ایلدیکنندن
 ب دآره لرنندن .



اعظم اولوب چونکه ه ه دآره سی مرکزینه یقین
 بولنان هر بردآره بعید بولنان دآره دن اعظم اولدیغندن
 ا دآره سی ب دآره سنندن ب دآره سی ج دآره سنندن
 اعظم اوله رق ه ه نقطه لری دواړه ثلاثه مذکوره نك
 قطبری اولور .

- س اشبو کره وانصاف کره ومناطق واقطاب تعبیراتی قنغی
 ج علومده کثیر الاستعمالدر
 ج علم جغرافیا وعلم هیئتده مستعملدر




❦ یکر می التنجی درس ❦

— مخروطک بیان —

- س تام کله شکری هیئت قنغی جسمه شبهدر
 ج اهرامه شبهدر
 س تام کله شکریله اهرامک بیانده وجه شب
 ج آنلردن برینک قاعده سیله رأس دیگر
 رأسی کبیدر
 س مخروطک قاعده سی کثیر الاضلاعیمده
 ج دایره در
 اطرافی سطحی مثلثلردن عبارتیمدر
 ج بر سطح منحنیدن عبارتدر
 س بوتقدیرجه جسم مذکوریه اهرام تسمیه اولنورمی
 ج اهرام تسمیه اولنمیوب مخروط تسمیه اولنو
 س بوصورتده مخروطک تم
 ج قاعده سی دایره ورأسی بر نقطه اوله رق جوانبی بر سطح
 منحنی احاطه سندن حادث اولان جه

س برکاعد و پالوجه اوزرینه بر مخروط رسمی نوجمله در -



ج اشبو شکله مربئی اولدیغی

• وجه اوزره در

س مخروط قائمک تعریفی ندر •

ج رأسندن قاعده سی اوزرینه نازل اولان عمود اول قاعده

• مرکزینه تصادف ایلیان مخروطدر •

س مخروط ارتضاعی قنغی خطدر •

ج مخروط رأسندن سطح قاعده سی اوزرینه نازل اولان


ح ک عمودیدر •

س مخروط مائلک تعریفی ندر •

ج رأسندن قاعده سی اوزرینه نازل اولان عمود اول

• قاعده مرکزینه تصادف ایلیان مخروطدر •

س بر مخروط مائلک رسمی نوجمله در •




• شکل اوزره در

ج اشبو مرسوم

﴿ یکریمی یدنجی درس ﴾


— اسطوانه نك پانی —

- س اسطوانه نك تعريفی ندر .
- ج قاعدتینی دائرتین متوازیتین متساویتین اوله رق جوانی
بر سطح منحنی ایله محصور بر جسمدر .
- س اسطوانه ایله منشور بیننده نه مشابته واردر
- ج بونلرک قاعده لری متوازیتین اولق مشابته واردر
- س جوانب سطحی اشکال متوازیة الاضلاع دن مرکبدر
- ج قاعده لری مثلاًو بر سطح منجنیدن مرکب
- س بوتقدیرجه اسطوانه یه منشور تسیمه اولنورمی
- ج اسطوانه یه منشور تسیمه اولنمیوب قعد قاعدتینک
اعداد اضلاعی غایت صغیره شکین منتظمین متساویتینک
- س ترکیب ایلش بر منشور مثالی اعتبار ایتمک ممکندر
بر اسطوانه نك رسمی نوجهله



ج اشبورسم اولنان شکل کبدر

- س اسطوانه نك آ ب ح خطری نوجمله اولمیدر
ج بر برینه موازی اولمیدر
س مذکور آ ب ح خطری نیچون متوازیین اولمیدرلر .
ج خطین مذکورین ابعاد متساویه ده اولدقلرندن متوازیین اولمیدرلر .
س آ ح ح خطری دخی کذلک متوازیین اولمیدر
ج آنلر دخی ابعاد متساویه اوزره اولدقلرندن متوازی اولمیدرلر .
س اشبو اسطوانه نك قاعدتین مرکزلی بیننه واصل اولان
ه و خطی آ ح ح خطری نه موازی میدرلر
ج اشبو ه و خطی آ ح ح خطری ندر برینه بعدواحد اوزره بولندیغندن متوازیین دیرلر
س اسطوانه قائمه نك تعریفی ندر .
ج قاعدتین مرکزلی بیننه واصل اولان خط مستقیم قاعدتین مذکورین سطحینه عموداً واقع اولان اسطوانه در .
س اسطوانه مائله نك تعریفی ندر
ج قاعدتین مرکزلی بیننه واصل اولان خط مستقیم قاعدتین مزبورین سطحینه مائلا واقع اولان اسطوانه در .
س اسطوانه مائله نك رسمی نوجمله



- ج اشبو شكل مرسوم اوزره در .
- س اسطوانه نك ارتفاعى قنغى خطدر .
- ج قاعده علباسى مركزندن قاعده سفلاسى سطحى
- س اوزرينه نازل اولان عموديدر .
- س قاعده علباسى مركزندن نازل اولان عمود قاعده
- ج سفلاسى مركزينه تصادف ايدرمى .
- ج اكر اسطوانه قائمه اولور ايسه تصادف ايلر مائله
- س اولور ايسه تصادف ائمز .
- س هندسه ده اجسام ثلثه مدوره قنغيلريدر .
- ج كره ومحروط واستوانه در .

• يكرى سكرنجى درس •


— اجسامك مساحه سنى اخذ ايتنك بيان —

- س مهندسين اصطلاحنده بر جسمى احاطه ايليان ابعادينه
- نه تسميه اولنور .

ج حجم نسبه اولنور .
 س بر جسمك جسمى مساحه نى نه كيفيته اخذ اولنور .
 ج اول جسمك ابعادى مقياس واحد دن تعيين اولنور ق
 جسم معلوم حكيمه ارجاعى كيفيتيله اخذ اولنور .
 س بر جسمك مساحه جسمى اخذ ايتك ايچون ابعادى
 مقياس واحد دن اولق اوزره قنغى كثر السطوح جسم
 مستمندر .

ج جميع سطوحى واحد اولق اوزره مكعب تعبير اولنان
 جسم مستمندر .
 س مثلا اشبو ا ب ح د ه و ح ط شكل متوازى الاضلاع
 مساحه جسيمه يعنى مساحه جسيمه سى نوجهله استخراج
 اولنور .

ج جسم مذكورك ا ب ح د قاعده سى سطحى ك ل
 ارتفاعه ضرب ايله استخراج اولنور .



س اضلاعى معلوم اولان بر مكعبك مساحه جسيمه سى
 نوجهله استخراج اولنور .

ج مکعب مذکورک بر ضلعنی کندی نفسنه ضرب و حاصل
ضربی ضلع مذکوره تکرار ضرب یا خود قاعده سی
مساحه سنی ارتفاعنه ضرب ایله استخراج اولنور. زیرا
علم حساب قاعده سی اوزره بر عددک مکعبی دیمک اول
عددی ایکی کره کندی نفسنه ضرب اتمکدن عبارتدر.
س اشبو متوازی الاضلاعک قاعده سنک سطحنی ارتفاعنه
ضربک حاصلی نیه دلالت ایدر.

ح اول متوازی الاضلاعه حاصل ضرب مذکور اعداد
مقدار نیجه اولقدر واحد قیاسنک مکعبی موجود اولدیغنه
دلالت ایدر.

س بر منشور مثلثینک مساحه جسمیه سی نوجهله استخراج
اولنور.

ج قاعده سنک مساحه سطحیه سنی ارتفاعنه ضرب ایله
استخراج اولنور.

س عملیات هندسیه مقتضای اوزره بر اهرام مثلثینک
مساحه جسمیه سی نوجهله استخراج اولنور.


ج قاعده سنک مساحه سطحیه سنی ارتفاعک ثلثه ضرب ایله
استخراج اولنور.

س سائر اهراماتک مساحه جسمیه لی نوجهله استخراج
اولنور.

ج قاعده سنک مساحه سطحیه لی نی ارتفاعینک ثلثه ضرب
ایله استخراج اولنور.

استخراج اولنور .

ج زوایای مجامع سنک برندن مجاوری اولیان زوایا سنه
برر خط مستقیم رسمیه و یا خود وسطنده بر نقطه
مفروضه دن جیع زوایا سنه برر خط مستقیم کشیده سیله
اولقدر اهراماته تقسیم اولنهرق هر برینک مساحه
جسمیه لری بالتحصیل جسم مذکورک مساحه جسمیه سی
استخراج اولنور .



﴿یکرمی طقوزنجی درس﴾

— اجسام ثلثه مستدیره یعنی کره واسطوانه و مخروطک مساحه —
— جسمیه لرینک یانی —

س کثیر السطوح بر جسمک جیع وجوهنه نه تسمیه اولنور .

ج سطح محدب تسمیه اولنور

س سطح محدبک تعریفی ندر

ج بر وجهندن دیکر وجهه بر — — م مرار اولنور

بالکزیابی نقطه سنه تلاقی ایدن — —

س کثیر السطوح منتظمه احاطه سندن حادث اولان بر جسمک

سطح محدبى ندر :

- ج اول جسمك حاوی اولدیغی سطوح متساویه بچوعدن عبارتدر .
- س اصغر نامتناهی سطوح کثیره احاطه سندن حادث اولان جسمه نه تسمیه اولنور .
- ج کره تسمیه اولنور .
- س بر کره نك مساحه سطح محدبی صحیحاً نوجهله اولور .
- ج هر کره نك مساحه سطح محدبی شول وجهله اولور که کندی قطربنی دائرة عظیمه سی محیطنه ضربك حاصلنه مساوی اولدیغی علم هندسه ده مبره ندر . یعنی دائرة عظیمه مساحه سنك درت مثلنه مساویدر .
- س بوصورتده کره نه اعتبار اولنور .
- ج جمیع وجوهی غایت صغیره بر شکل کثیر السطوح منتظمه دن مرکب اعتبار اولنور .
- س بر اسطوانه نك مساحه جسمیه سی نوجهله استخراج اولنور .
- ج قاعده سنك مساحه سطحیه سی ارتفاعنه ضرب ایله استخراج او
- س بر مخروطك جسمیه سی نوجهله استخراج اولنور .
- ج قاعده سنك مساحه سطحیه سی ثلث ارتفاعنه ضرب ایله استخراج اولور
- س علی طریق الاسرار علم هندسه ده کثیر الاستعمال اولان اجسامك مساحه جسمیه لری نه مساوی اولنور

- ج اولاً هرتوازية السطوحك مساحة جسميه سيك قاعده سي
 سطحني ارتفاعه ضربدن حاصلنه مساوي اولور .
 ثانياً هرمشورك مساحة جسميه سي قاعده سي سطحني ارتفاعه
 ضربك حاصلنه مساوي اولور .
 ثالثاً هراهرامك مساحة جسميه سي قاعده سي سطحني ثلث
 ارتفاعه ضربدن حاصلنه مساوي اولور .
 رابعاً كرهك مساحة جسميه سي سطح محدبده ثلثني نصف
 قطرينه ضربك حاصلنه مساوي اولور .
 خامساً اسطوانهك مساحة جسميه سي قاعده سي سطحني
 ارتفاعه ضربدن حاصلنه مساوي اولور .

— خاتمة كتاب —

- معلوم اوله كه علم هندسه ده فن مساحة اوج قسمه منقسم اولور .
 قسم اولي فن مساحة الطول يعني امتداد طولی يا خود ايكي
 نقطه بيننده واقع بعدی خط مستقيم اوزره مساحة ايتمكدن
 عبارتدر .
 قسم ثاني سي فن مساحة السطح المستوي يعني سطح مستوي بي
 يا خود امتداد طول ايله امتداد عرضدن حادث اولان سطحی
 مساحة ايتمكدن عبارتدر .
 قسم ثالثي فن مساحة الجسم يعني ابعاد ثلاثيه انقسامی قبول
 ايدن اجسامی مساحة ايتمكدن عبارتدر .

﴿ کتاب فہرست ﴾

محیفہ

اجسامك يانی	۳ برنجی درس
سطوحك يانی	۵ ایکنجی درس
خطوط و نقطه يانی	۸ اوچنجی درس
خطوطك يانی	۱۰ دردنجی درس
عمود يانی	۱۲ بشنجی درس
خطوط مائلہ نك يانی	۱۶ التنجی درس
خطوط متوازیہ نك يانی	۱۷ یدنجی درس
خطوط متوازیہ یہ متعلق مسائل	۲۰ سکرنجی درس
سہلیہ نك يانی	
زوایانك يانی	۲۲ طقوزنجی درس
خطوط مستقیمہ تقسیمك يانی	۲۹ اوننجی درس
مثلثاتك يانی	۳۱ اون برنجی درس
مثلثاتہ متعلق ذیلک يانی	۳۴ اون ایکنجی درس
اشکال ذواربعۃ الاضلاعك يانی	۳۸ اون اوچنجی درس
اشکال کثیرۃ الاضلاعك يانی	۴۲ اون دردنجی درس
دائرہ و محیط دائرہ نك يانی	۴۵ اون بشنجی درس
قطر و نصف قطرك يانی	۴۷ اون التنجی درس

۵۰ اون يدنجى درس مرکز داتره تعينتك ياني

۵۱ اون سكرنجى درس داتره به متعلق مسائلك ياني

۵۶ اون طقوزنجى درس سطوح مستويه مساحه سنك ياني

۶۰ يكرمى درس اشكال كثيره الاضلاع ايله دائرة

وقطاع دائرة مساحه لر ينك ياني

سطوح مستويه نك ياني

اجسام كثيره السطوح ايله

منشور لرك ياني

اهرامك ياني

كره نك ياني

كره به متعلق مباحثك ياني

مخروطك ياني

استوانه نك ياني

اجسامك مساحه سنى اخذ

اينمك ياني

اجسام ثلاثه مستديره يعنى كره

واستوانه ومخروطك ياني

۵۰ اون يدنجى درس

۵۱ اون سكرنجى درس

۵۶ اون طقوزنجى درس

۶۰ يكرمى درس

۶۴ يكرمى برنجى درس

۶۶ يكرمى ايكنجى درس

۷۲ يكرمى اوچنجى درس

۷۵ يكرمى دردنجى درس

۷۷ يكرمى بشنجى درس

۸۱ يكرمى اتنجى درس

۸۳ يكرمى يدنجى درس

۸۵ يكرمى سكرنجى درس

۸۸ يكرمى طقوزنجى درس

